NOVLLES

ASSEVREES

DE LA PAIX,

ET LES IOYES ET SOVHAITS des Parisiens, pour l'arriuée de leurs Majestés dans leur bonne & fidelle Ville de Paris



A PARIS,

Chez Guillaume Sassier, Imprimeur & Libraire ordinaire du Roy, ruë des Cordiers, proche Sorbone, aux deux Tourterelles.

M. DC. XXXXXIX

Auec Permission.

760, 80 637 (37)

MOVVLES

ZIATATA



The state of the s



LES

NOVVELLES

ASSEVREES

DE LA PAIX,

ET LES IOYES ET SOVHAITS des Parisiens, pour l'arriuée de leurs Majestés dans leur bonne & sidelle Ville de Paris.

VE nos cœurs auront des mouuemens d'alegresse & de contentement à cette Royalle entrée de leurs Majestés, il faut auouer que les transports en sont inexplicables: Peuple sidelle, c'est icy la fin de nos douleurs, cessés vos soupirs & vos tristesses, nos Princes ont l'objet de leurs belles actions, la presence d'vn Roy donné de

12/11

Dieu, d'vne Reine exemplaire par la pureté de sa vie, changeront nos maux en plaisirs; Loin de nous Tambours & Trompettes, vostre bruit ne nous fera plus souuenir de nos disgraces, it suffit que nos oreilles soient seulement frappées de ceux de la garde de nostre bon Maistre, & qu'il nous fassent souvenir d'élever nos Vœux au Ciel, pour luy demander la conseruation de ce viuant image de ces perfections: Voicy le temps que le Fils de Dieu s'expose dans les souffrances & à la mort, pour acquiter l'obligation du peché, & nous reconcilier auec le Pere Eternel: Prosternons-nous deuant sa face pour remercier ces Bontés & son Amour, & les conjurer par les slames de sa chere dilection, de verser les infusions sacrées de ces graces sur ce Prince donné de sa main pour la conduite d'vn peuple fidele; Crions si haut Viue le Roy, que nous en fassions trembler l'Espagne; Viue le Roy Bourgeois genereux, puis que ce mouuement de zele & de fidelité vous donnera mille benedictions, sur vous, vos biens & vostre Famille: le Genereux Senat n'a donné son enfance & partie de sa jeunesse à l'étude des Loix, que pour maintenir l'éclat de la Couronne, & ces authoritez suprémes; Prions encor pour leur conduite, & bannissons de nostre commerce tout ce qui nous rend criminels deuant le Seigneur, coulpables deuant la Majesté Royale, & ridicules dans l'esprit des Sages & des Pieux; Le defaut du Pain & la difficulté d'en auoir ne troublera plus nos fantaisies, Dieu nous enuoye sa Mane, son Tresor, & ces abondances; la presence de leurs Majestés viendront animer nos Deuotions, nous verrons vn grand Roy, & vne tres grande & deuote Reine seruir à genoux les membres du Seigneur : l'espere que nous n'aurons point aussi de repugnance à l'amour & au respect que nous leur deuons; C'est vne felicité tres douce d'aimer & d'honorer ce qui le merite; Ces Caracteres diuins, que Dieu a imprimés sur les visages des Souuerains, sont des Orateurs tres-eloquens, pour persuader vn deuoir si agreable. Grands Princes, qui estes les slambeaux de cette Monarchie, continués vos generositez pour le bien de cét. Estat, vos Altesses seront toûjours inuincibles, tant que le seruice du Roy sera l'honneur de vos armes; La France peut subjuguer tous les autres Royaumes, si elle se tient dans ses deuoirs sans s'en écarter malheureusement; Quelles nations ne redouteront nos courages, nos forces, & le nombre de tant d'incomparables Guerriers, qui viennent aujourd'huy poser les armes aux pieds du Roy, & asseurer sa Majesté, qu'ils s'estimeront glorieux de mourir pour son service, & qu'ils n'aprehendent point de foudres que ceux de son indignation: Mais tout le monde se promet vn calme de longue durée, puis que Dieu s'est laissé toucher à nos accens, & que nous aurons cette heureuse arrivée, seule cause de nos contentemens: Et vous, grande Reine, à qui nous auons nos res-pects & nos ardeurs, soyés le digne apuy de nos seuretés; les esprits raisonnables ont toûjours chanté les merueilles de vostre conduitte, mais vn éloignement facheux, estoit le tourment de nos affections; Dans ce desordre sensible, nous n'auions nulle consolation à prendre; Dieu veuille que cette douleur comme elle est extréme, ne soit jamais plus ressentie; toutes les Religions & les pauures sont dans les actions de graces pour vn retour si necessaire; & j'estime que vos Majestés dans la parfaite conoissance de nos passionnées ardeurs, prendront vne bonne & ferme volonté pour l'alegement de vos sujers, la compassion de leurs ennuis, & la chere estime de leurs incomparables fidelités. SIRE, vostre Majestévoit à present vne foule aussi satisfaite que son absence

l'auoit desolée, ce sont des ames qui crient à Dieu, preserués nostre Roy de tous accidens funestes, donnés bon conseil à sa Majesté, & qu'il puisse reconoistre dans nos deportemens, que jamais Monarque n'a esté plus aimé & honoré que celuy pour qui nous viuons, & à qui nous pretendons d'obeir jusques au dernier moment de nos vies.

in the state of th

